



Moderamen  
GBKP

# Ibadah



# keluarga

Selasa, 28 April 2020



## PERSIKAPEN

- Nikapken persiapen guna ibadah, Alkitab ras perlengkapen sidebanna
- Adi lit ibas rumahta sibanci main musik gelah iiringi ibadahta reh sikapna gitar, keyboard ras sidebanna.

## PENGAJUK MENAKEN KEBAKTIN KELUARGA (Ibabi Nande)

Ersembah man Tuhan eme sada tanda kalak si erkiniteken man Bana. Ersembah man Tuhan ertina kita ngendesken kegeluhenta guna ngikutken la ras ndalanken singena ateNa. Tep tep kali kita ersembah man Tuhan mabai kita erdeherna ras la janah sigejapken lit damai ibas geluhnta. Genduari sipesikap pusuhnta guna ersembah man Tuhan I tengah-tengah jabunta.

### RENDE KEE 254 " Ateku Tedeh" (Ibabi Bapa)

Ateku tedeh man banNdu o Tuhan , Malem me ateku jumpa si erkuasa  
Aku megegeh di ras kam o Tuhan , sabab Kam me kapen ulu sinasana  
Reff : Ku begi kataNdu, kata tuhu-tuhu

Keke me ukurku behken peratenNdu  
Terang kataNdu nerangi pusuhku, Pusuh jadi senang ergiah geluhku  
Gegeh si mbaru, bereken Ndu bangku, labo aku talu meriah ukurku  
Reff :

### PERTOTON MUJI TUHAN ( Masmur 27:1-6) (Ibabi Nande)

Orang Tua : Tuhan Kap terang kegeluhenku. Ia kap singkelini aku, la lit si kubiarken. Tuhan kap bentengku, emaka la aku gentar.

Anak-anak : Tupung kalak jahat nerang aku dengen ibunuhna atena aku, tertuktuk ia jenari guling. Aminna pe aku ikepung tentera si nterem , la mbiar aku. Aminna pe musuh reh ngelawan aku , aku tetap erpengarapen man Dibata.

Orang Tua : Sada ngenca pemindonku man Tuhan, sada ngenca sura-surangku eme ringan ibas rumah Tuhan kidekah geluhku guna nggejapken kiniulin Tuhan dengen mindo gelah I tegu-teguNa.

Anak-anak : Tupung paksa kesusahan Tuhan singkawali aki, ibunikenNa aku ibas rumahNa, iangkatNa aku ku das deleng batu.

Kerina : Genduari menang aku naluken imbang-imbang I sekelewetku; emaka alu ersurak-surak simeriah kupersembahkan persembahen pengataken bujur I bas RumahNa, jenari rende aku muji Tuhan.

### RENDE 275 :1.3 " Kam Tuhan Sekawalku" (Ibabi Anak)

1. Kam Tuhan sekawalku la lit kebiarenku, aminn gulut ukurku ernalem tetap banNdu Galumbang si merawa jadi ibas geluhku, Lalap aku erpengendes sebab Kam kap bentengku  
3.Di bage nina Tuhan ula pedekah-dekah , sidahilah gundari Tuhanta si perkeleng Ikutkenlah kataNa ula pekulah-kulah, pengarapen ibrekenNa em gegeh bas geluhta



## PENGENALAN PUSTAKA SIBADIA Josua 24 : 14-15

(Ibabai Baoa)

### RENUNGAN

Selaku pemimpin kalak Israel icidahken Josua sada prinsip sipenting kal guna keberlangsungan kegeluhen bangsana eme nggeluh ersembah man Tuhan Dibata saja. Josua la sekedar ngajuk bangsana tapi pe mereken contoh sikonkrit man arah kegeluhen jabuna. Jabu menjadi sentral penembahen man Dibata sibanci mempengaruhi kegeluhen kalak sinterem . jabu simegegeh ersembah man Tuhan erbanca kegeluhen masyarakat pe er ulina. Lingkungan terdekat tep-tep kalak eme jabu ( keluarga). Adi ibas jabu teptep kalak bertumbuh ibas kiniteken sipaguh maka la banci lang perilakuna ku darat pe pasti akan lebih mehuli. Ije me peran Orang Tua sangat menentukan nandang kiniteken anak-anakna aminna la siabaiken maka lingkungan sideban pe mbelin kal ikut mpengaruhi kegeluhen anak-anaknta. Josua enggo namaken palas sinteguh ersembah man Tuhan si ibenaken arah jabuna. Kesempatan kita ibas situasi mbue waktu ras keluarga paksa genduari erkiteken wabah virus corona sipakelah guna membangun kiniteken si nteguh man Dibata Saja.

### RENDE KEE 309 " Pengasup Kami O Tuhan "

(Ibabai Anak)

1. Pengasup kami o Tuhan gelah pedahNdu banci I dalanken  
Em kap tendang kami bas kegeluhen kataNdu siman gelemen  
Gelah tangkas kata ras perbahanen ban min kami tetap bas kebujuren  
SurgaNdu kap perayaken

3. Kawali kami o Tuhan alu gegeh ras kuasaNdu simbelin  
Olangilah kami idur si setan siatena encedaken  
DameNdu gelah tetap kuarapken ban kelengNdu ngeca kap kami atan  
Bengket kubar kesangapen.

### PERTOTON SYAFAAT

(Ibabai Nande)

- Kerna isi jabu ras pergumulen si sangana I hadapi
- Jabu perpulungen si enggo ndekah la nai reh ku perpulungen kidekah enda gelah banci mulihken reh ku perpulungen.

### RENDE 338 " Ulu Tuah Kam Kusembah "

(Ibabai Anak)

1. Kam Ku sembah ulu tuah ajar aku megelah,  
lah nurihi pujin kami lalap la rngadi ngadi  
Lias ras keleng ateNdu jujurkenNdu man bangku  
Nteguh paguh la terundu kuasa ras muliaNdu

3. Pasu-pasu surga nari kugejapken tiap wari  
Kepentaren berekenNdu nehken surasuraNdu  
PakekenNdu lah min aku jadi persuruhanNdu  
Jenda aku suruh aku nehken kekelengenNdu

### PERTOTON TUHAN